

**KERATAN AKHBAR-AKHBAR TEMPATAN
TARIKH: 3 MAC 2015 (SELASA)**

Bil	Tajuk	Akhbar
1	Perkukuh perniagaan bioekonomi	Berita Harian
2	BiotechCorp takes on new partner	The Star
3	BiotechCorp Merangsang Bioekonomi Melalui Cadangan Kerjasama Dengan Belgium	Bernamea.com
4	Act against open burning	The Star
5	Angkasa nafi kedudukan matahari hampir dengan bumi pada 21 Mac ini	Kosmo
6	Perjelasan panas fenomena Ekuinoks	Harian Metro
7	Kedudukan Matahari Hampir Dengan Bumi Semasa Ekuinoks Tidak Benar - Angkasa	Bernamea.com
8	Tesdec Tandatangani MoU Dengan Tiga Syarikat	Bernamea.com
9	Anugerah Inovasi Negara (IKLAN)	Utusan Malaysia

Perkukuh perniagaan bioekonomi

» *BiotechCorp, GBEV jalin kerjasama galak peluang pembiayaan inovatif*

Oleh Che Wan Badrul Alias
chewan@bh.com.my

Malaysian Biotechnology Corporation Sdn Bhd (BiotechCorp) bercadang untuk bekerjasama dengan Ghent Bio-Economy Valley (GBEV) dari Belgium bagi mengukuhkan ekosistem perniagaan bioekonomi

dan komuniti penyelidik bioteknologi di kedua-dua negara.

Kerjasama itu bertujuan menggalakkan peluang pembiayaan inovatif, usaha sama perniagaan, peluang pengembangan, kerjasama pelbagai bidang, perkongsian maklumat, kepakaran teknologi dan sumber bagi membangunkan produk, pemrosesan dan teknologi baharu industri.

Ketua Pegawai Operasinya, Razwin Sulairee Hassan Termizi, berkata GBEV adalah organisasi utama yang bertanggungjawab membangunkan industri bioteknologi di Belgium dan kerjasama itu membuka peluang memahami lebih lanjut kekuatan GBEV termasuk ekosistem bersepadunya yang fleksibel.

Katanya, ia termasuk pelaksanaan loji perintis ber-

asaskan bio di Eropah yang terkenal sebagai loji perintis pelbagai guna membangunkan produk bioteknologi dan pemrosesannya; serta pelabuhan bio terbesar Eropah, Port of Ghent.

Lonjakan ekonomi

"Kami berminat bekerjasama dengan GBEV bagi mempelajari dan menggunakan pendekatan sama di Malaysia kerana ia berpo-

tensi besar melonjakkan ekonomi negara.

"Negara memiliki sumber bio dan platform yang tepat untuk disesuaikan bagi menghasilkan model-ekosistem-GBEV di Malaysia," katanya pada majlis pertukaran cadangan kerjasama kedua-dua pihak di Kuala Lumpur, semalam.

Yang hadir sama, Timbalan Menteri Sains, Teknologi dan Inovasi, Datuk Dr Abu Bakar Mohamad Diah; Duta Belgium, Daniel Dargent; dan Lembaga Pengarah GBEV, Hendrik-Jan Van Engelen.

BiotechCorp takes on new partner

KUALA LUMPUR: Malaysian Biotechnology Corporation Sdn Bhd (BiotechCorp) has exchanged a collaboration proposal with Belgium's Ghent Bio-Economy Valley (GBEV) to bolster the bio-economy business and research communities in both countries.

GBEV is a non-profit organisation that supports the development of bio-based activities for economic growth in the region of

Ghent, Belgium.

BiotechCorp said in a statement the partnership was intended to encourage business partnering and expansion opportunities, multi-disciplinary areas of collaboration, innovative funding opportunities, as well as sharing of information, tools and resources for the development of new bio-based products, processes and technologies. — Bernama



BiotechCorp Merangsang Bioekonomi Melalui Cadangan Kerjasama Dengan Belgium

KUALA LUMPUR, 2 Mac (Bernama) -- [Malaysian Biotechnology Corporation Sdn Bhd](#) melakukan pertukaran cadangan kerjasama dengan Ghent Bio-Economy Valley (GBEV) dari Belgium untuk memperkukuh komuniti perniagaan dan penyelidikan bioekonomi di kedua-dua buah negara.

GBEV merupakan organisasi tidak bermotif keuntungan yang menyokong pembangunan aktiviti berasaskan bio untuk pertumbuhan ekonomi di wilayah Ghent, Belgium.

Majlis itu disaksikan oleh [Timbalan Menteri Sains, Teknologi dan Inovasi Datuk Dr Abu Bakar Mohamad Diah](#), Duta Belgium Daniel Dargent dan anggota lembaga GBEV Hendrik-Jan Van Engelen.

Dalam satu kenyataan Isnin, BiotechCorp berkata kerjasama itu diharap dapat menggalakkan perkongsian perniagaan dan peluang pengembangan, bidang kolaborasi multi disiplin, peluang dana inovasi, serta perkongsian maklumat, kelengkapan dan sumber untuk pembangunan produk, proses dan teknologi baharu berasaskan bio.

"Kementerian menyasarkan 360 inovasi berimpak tinggi untuk dikomersialkan menjelang 2020, dan kami berharap kerjasama antarabangsa ini akan menjadi pemacu kepada Malaysia untuk mencapai target," kata Abu Bakar.

Dalam ucapan pembukaan, [Ketua Pegawai Operasi BiotechCorp Razwin Sulairee Hasnan Termizi](#) berkata cadangan kerjasama itu membolehkan Malaysia memanfaatkan Loji Perintis Eropah Berasaskan Bio GBEV, serta Pelabuhan Ghent, pelabuhan bio terbesar Eropah.

-- BERNAMA

